

სახელმწიფო შესყიდვების შესახებ ხელშეკრულების პროექტი

ხელშეკრულება №27-12-01/17

ქ. თბილისი

27 დეკემბერი 2017 წელი

ერთი მხრივ, სსიპ „საქართველოს ფინანსური მონიტორინგის სამსახური“ (შემდგომში „შემსყიდველი“), წარმოდგენილი მისი უფროსის ვალერიან ხასაშვილის სახით, და მეორე მხრივ, შპს „ინტერლინკი“ (შემდგომში „მიმწოდებელი“), წარმოდგენილი მისი დირექტორის გურამ მეგრელიშვილის სახით, „სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება №SPA170015805) ჩატარების შედეგად ვდებთ წინამდებარე სახელმწიფო შესყიდვის შესახებ ხელშეკრულებას (შემდგომში „ხელშეკრულება“) შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს კედლის კონდიციონერების (შემდგომში „შესყიდვის ობიექტები“) შესყიდვა დანართი N1-ის და ხელშეკრულების პირობების შესაბამისად (CPV კოდი 42512200).
- 1.2. დანართი N1 წარმოადგენს ხელშეკრულების განუყოფელ ნაწილს.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია შესყიდვის ობიექტების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტში გათვალისწინებულ კონტროლს შემსყიდველის მხრიდან განახორციელებს სსიპ საქართველოს ფინანსური მონიტორინგის სამსახურის ადმინისტრაციული სამმართველოს უფროსი - პირველადი სტრუქტურული ერთეულის ხელმძღვანელი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. შესყიდვის ობიექტის მიღება-ჩაბარების წესი

- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს ერთიანად ხელშეკრულების გაფორმებიდან, არაუგვიანეს 2017 წლის 29 დეკემბრისა, შემდეგ მისამართზე: ქ. თბილისი, ზ. ფალიაშვილის ქ. N83, სართული IV.

3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

3.3. შესყიდვის ობიექტების მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

3.3 შესყიდვის ობიექტების მიწოდების საბოლოო შემოწმების ადგილია შემსყიდველის ფაქტიური მისამართი: ქ. თბილისი, ზ. ფალიაშვილის ქ. N83, სართული IV.

3.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.

3.5 შემსყიდველის მხრიდან 3.2. პუნქტში აღნიშნული მიღება-ჩაბარების აქტზე ხელმოწერის უფლებამოსილების მქონე პირად განისაზღვროს სსიპ საქართველოს ფინანსური მონიტორინგის სამსახურის საინფორმაციო ტექნოლოგიების სამმართველოს პირველი კატეგორიის უფროსი სპეციალისტი.

მუხლი 4. ხელშეკრულების ფასი და ანგარიშსწორების წესი

4.1. წინამდებარე ხელშეკრულებით გათვალისწინებული შესყიდვის ობიექტების საერთო ღირებულება შეადგენს 16900.00(თექვსმეტიათასცხრასი ლარი და 00 თეთრი) ლარს.

4.2 ხელშეკრულების ფასი მოიცავს მიმწოდებლის ყველა ხარჯს, მათ შორის მონტაჟისა და დანერგვის სამუშაოების ხარჯებს, ასევე შემსყიდველის მისამართამდე ტრანსპორტირების ხარჯსა და საქართველოს კანონმდებლობით დადგენილ ყველა გადასახადს.

4.3. მიწოდებული შესყიდვის ობიექტების ღირებულების გადახდა ხორციელდება უნაღდო ანგარიშსწორების წესით.

4.4. ანგარიშსწორება ხორციელდება წინამდებარე ხელშეკრულების 3.2 პუნქტის შესაბამისად შესყიდვის ობიექტის მიღებიდან და მიმწოდებელის მიერ სათანადო დოკუმენტაციის წარმოდგენიდან (იმისდამიხედვით რომელი უფრო გვიან მოხდება) არაუგვიანეს 2017 წლის 29 დეკემბრისა.

მუხლი 5. მხარეთა ვალდებულებები

5.1. შემსყიდველი კისრულობს ვალდებულებას წინამდებარე ხელშეკრულებით გათვალისწინებული პირობების შესაბამისად დროულად და სრულად მოახდინოს მიმწოდებელთან ანგარიშსწორება.

5.2. მიმწოდებელი კისრულობს ვალდებულებას:

5.2.1. ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს წინამდებარე ხელშეკრულების პირველ მუხლში მითითებული შესყიდვის ობიექტები;

5.2.2. შესყიდვის ობიექტების ნაკლის აღმოჩენისას მოახდინოს ნაკლის გამოსწორება თავისი ხარჯით;

მუხლი 6. გარანტია

- 6.1. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.
- 6.2. შესყიდვის ობიექტის საგარანტიო პირობები მოცემულია დანართ N1-ში.
- 6.3. გარანტიის მოქმედების პერიოდში მიმწოდებლის მიერ საგარანტიო ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 7.2. მიმწოდებლის მიერ ხელშეკრულებით ნაკისრი ვალდებულების არაჯეროვნად ან დაგვიანებით შესრულების შემთხვევაში, მიმწოდებელი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი გადაგადაცილებული დღისათვის.
- 7.3. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0,02%-ის ოდენობით.
- 7.4. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.
- 7.5. იმ შემთხვევაში, თუ 7.2. პუნქტში აღნიშნული გადაგადაცილება მიაღწევს 30 დღეს, შემსყიდველს უფლება აქვს ცალმხრივად შეწყვიტოს ხელშეკრულება მიმწოდებლის მიერ ვალდებულებების შეუსრულებლობის მოტივით. ამ შემთხვევაში მიმწოდებელს დაეკისრება 7.1. და 7.3. პუნქტებით გათვალისწინებული სანქციები.

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა ურთიერთშეთანხმების საფუძველზე.

მუხლი 9. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ მისი ხელმოწერის დღიდან, 2017 წლის 27 დეკემბრიდან და მოქმედებს 2018 წლის 29 იანვრის ჩათვლით.

მუხლი 10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 11. დავის განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 12. დასკვნითი დებულებები

- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.3. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 13. მხარეთა რეკვიზიტები და ხელმოწერები

შემსყიდველი

სსიპ საქართველოს ფინანსური
მონიტორინგის სამსახური

მის.: ქ. თბილისი, ზ. ფალიაშვილის ქ. N83
საიდენტიფიკაციო კოდი: 204447330
საბანკო რეკვიზიტები:
სახელმწიფო ხაზინა
ა/ანგარიში GE24NB 0330 1002 0016 5022
ბანკის კოდი: TRESGE22

სამსახურის უფროსი

ვალერიან ხასაშვილი



მიმწოდებელი

შპს „ინტერლინკი“

მის.: ი. ჭავჭავაძის გამზ. N34
საიდენტიფიკაციო კოდი: 405072273
საბანკო რეკვიზიტები:
სს „თიბისი ბანკი“
ა/ანგარიში GE60TB 7651 5360 8010 0001
ბანკის კოდი: TBCBGE22

დირექტორი

გურამ მეგრელიშვილი



ფასების ცხრილი და საგარანტიო პირობები

დანართი N1

N	დასახელება	მწარმოებლის და მოდელის დასახელება, მწარმოებელი ქვეყანა	რაოდენობა	ზომის ერთეული	ერთეულის ღირებ.	საერთო ღირებულება
1	კონდიციონერი (შიდა და გარე ბლოკი)	MIDEA MTB-48HWFN1-R/MOU-48HFN1-R, ჩინეთი	2	ცალი	8450.00	16900.00
ჯამი						16900.00

შესყიდვის ობიექტებზე ვრცელდება 2(ორი) წლიანი მწარმოებლის გარანტია.

შესყიდველი

მიმწოდებელი

სსიპ საქართველოს ფინანსური მონიტორინგის სამსახური

შპს „ინტელინკი“

ვალერიან ხასშვილი
სამსახურის უფროსი



გურამ მეგრელიშვილი

დირექტორი



ხელწერილი ინტერესთა კონფლიქტის არარსებობის შესახებ

მე, ვალერიან ხასაშვილი, ვადასტურებ, რომ ჩემი მონაწილეობა კედლის კონდიციონერების შესყიდვის პროცესში (მიმწოდებელი: შპს „ინტერლინკი“) არ იწვევს „სახელმწიფო შესყიდვების შესახებ“ საქართველოს კანონის მე-8 მუხლით განსაზღვრულ ინტერესთა კონფლიქტს.

ვალერიან ხასაშვილი

სამსახურის უფროსი

27.12.2017